



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 50. Seditio Viterbiensium.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

semper quatuor elementa & totidem qualitates, calorem, frigus, siccitatemque ac humiditatem: & sæpe pro principiis ponit propositiones nec ex se ipsis manifestas, nec aliunde probatas. Loquens de coelo exiguam astronomiæ notitiam ostendit: pro re certa sumit vim siderum influentem in corpora inferiora: & de astrologia judiciaria veluti vera de scientia differit, nec illam vituperat; immo alibi politiæ jungit. Dum de meteoris meminit, exilem suam geographiæ cognitionem prodit: & alibi Byzantium haud ægrius quam Tarentum in Italia collocat. De fossilibus mentionem faciens, gemmis vires magneticis similes attribuit, experimentis, quæ non probat, innixus: & postea illarum virium causas indagat. Etymologias sæpe absurdas tradit, explicare cupiens vocabula linguæ græcæ, quam ignorat: id quod ei commune est cum plerisque illius ætatis Doctoribus.

Sæcul. XIII.
A.C. 1280.

to. 2. l. 2. de
calo tract. 3.

c. 5.
to. 4. p. 347.
Ibid. 4. p.
218. B.

§. L.

Seditio Viterbiensium.

Sedes Apostolica sex pæne mensibus vacabat ob discordiam Cardinalium Viterbii præsentium. Rex Siciliae Carolus eodem se contulit, ut primum de Nicolai III morte nuncium accepit pergratum

Ricord. Ma-
lesp. c. 207.
Rayn. 1281.
n. 1. 2.

H 3 tum

Sæcul. XIII.
A.C. 1280.

tum sibi: quippe hunc Papam semper contrarium sibi expertus volebat facere, ut faventior ipsi eligeretur. Cardinales abibant duas in factiones: Urfinorum ultimi Papæ cognatorum altera, altera Regis Caroli erat sub duce Richardo Anibaldo, cujus familia Romæ plurimum poterat. Richardus Viterbii præfecturam Urso de Urfinis Papæ Nicolai nepoti ademerat. Idcirco duo hujus præfati Cardinales Matthæus Ruber & Jordanus electionem Papæ impediabant, donec Urso dignitas sua esset reddita. At Richardus a Rege Carolo suffultus curavit Viterbii populum ad tumultum concitari: pulsatur æs campanum; capiuntur arma; curritur ad Episcopi palatium, quo Cardinales electionis causa convenerant. Viterbienses inter clamores magnos irruunt, duos Urfinos Cardinales Diaconos, Matthæum de S. Maria in Porticu, & Jordanum de S. Eustachio per vim abstrahunt, injuriis affectos eisdem ejusdem palatii cubiculo includunt, hujus fenestras ac fores obstruunt, Cardinales reliquos huic violentiæ obistentes duriter repellunt. Jordano postea certis conditionibus dimisso, Matthæum diutissime detentum per aliquot dies pane tantum & aqua aluere.

Platina in Nicol.